



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-1/21-3-40-408-4/25**

Datum: **11.11.2025. godine**

«Agencija za vodno područje rijeke Save» Sarajevo rješavajući po zahtjevu Javnog preduzeća «KOMUNALNO» d.o.o. Breza za donošenje rješenja o vodnoj dozvoli za zahvatanje vode sa izvorišta «Mahmutovića rijeka» a za potrebe snabdijevanja pitkom vodom potrošača na području općine Breza, na osnovu člana 109. stav (1) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

### **R J E Š E N J E** **o vodnoj dozvoli**

1. Daje se vodna dozvola Javnom preduzeću «KOMUNALNO» d.o.o. Breza za zahvatanje vode sa izvorišta «Mahmutovića rijeka» u minimalnoj količini od 10 l/s za potrebe snabdijevanja vodom potrošača na području općine Breza.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekata i uz sljedeće uslove:
  - 2.1. Da korisnik predmetnog vodozahvatnog objekta isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
  - 2.2. Da se obezbijedi stalni i sistematski pregled vode od strane ovlaštene laboratorije, te poduzmu sve potrebne mjere za osiguranje zdravstveno ispravne vode za piće. Kontrolu ispitivanja kvaliteta vode za potrebe snabdijevanja vodom za piće stanovništva mogu vršiti samo ovlaštene laboratorije u skladu sa članom 48. stav (3) Zakona o vodama («Službene novine Federacije BiH», broj 70/06).
  - 2.3. Da se, ukoliko se redovnim ili vanrednim analizama kvaliteta vode utvrdi da ova ne zadovoljava uslove vode za piće propisane Pravilnikom o zdravstvenoj ispravnosti vode za piće («Službeni glasnik BiH», broj 40/10, 43/10, 30/12 i 62/17), vodovodni sistem isključi iz upotrebe, odnosno blagovremeno i na adekvatan način obavijeste krajnji potrošači da voda nije za piće.
  - 2.4. Da se obezbijedi tehnička ispravnost ugrađenog mjernog uređaja za evidentiranje količina zahvaćene vode odnosno da se redovno vrši baždarenje mjerača protoka u skladu sa propisima o mjernim uređajima.
  - 2.5. Da se u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode. Evidenciju o mjerenju zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanju podataka o količinama zahvaćene vode («Službene novine Federacije BiH», broj 83/08).
  - 2.6. Da korisnik vodozahvatnog objekta brine o čuvanju objekta i uređaja na njemu od slučajnog ili namjernog oštećenja ili uništenja.
  - 2.7. Da se uredno vodi dnevnik rada u koji će se unositi podaci o postupku hlorinacije i potrošnji svih hemikalija.
  - 2.8. Da se vrši stalna dezinfekcija vode hlorisanjem kao i kontrola rezidualnog hlora u vodovodnoj mreži a u skladu sa Pravilnikom o zdravstvenoj ispravnosti vode za piće.
  - 2.9. Da se skladištenje hemikalija potrebnih u procesu dezinfekcije vode za piće vrši na propisan način.
  - 2.10. Da se u toku važenja ove vodne dozvole kod nadležnih organa okončaju aktivnosti u cilju donošenja nove Odluke o zaštiti izvorišta «Mahmutovića rijeka» i rijeka «Misoča» u skladu sa važećim Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva («Službene novine Federacije BiH», broj 88/12).
  - 2.11. Do donošenja nove Odluke, sprovoditi zaštitne mjere i pridržavati se odredbi postojeće Odluke o zaštiti izvorišta «Mahmutovića rijeka» i rijeka «Misoča» donesene dana 14.12.2010. godine od strane Vlade Federacije BiH («Službene novine Federacije BiH», broj 87/10).

- 2.12. U cilju najstrožije kontrole prostora na kome su smješteni vodozahvatni objekti potrebno je isti na odgovarajući način obilježiti upozorenjem o zabrani neovlaštenog pristupa. Ogradu i ograđeni prostor oko vodozahvata potrebno je održavati što znači da je ovaj prostor potrebno kositi, uklanjati samoniklo šiblje i grmlje i isti obezbijediti i drugim mjerama fizičke zaštite i osiguranja, a što prvenstveno uključuje službu fizičkog obezbjeđenja na izvorištu (povremeni obilazak ili stalna posada), te alarm i druge mjere zaštite, ukoliko se to ocijeni potrebnim.
- 2.13. Vlasnik odnosno korisnik vodozahvatnih objekata je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje voda i nisu u suprotnosti sa uslovima iz ove vodne dozvole.
3. Korisnik predmetnog vodozahvatnog objekta je obavezan voditi propisne evidencije, te nadležnim organima dostavljati propisane obrasce u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada za korištenje vode i ispuštanje otpadnih voda.
  4. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
  5. Ukoliko prilikom upotrebe predmetnog vodozahvatnog objekta za koje se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekata je dužan uzroke štete otkloniti, a nastale štete nadoknaditi.
  6. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
  7. U ovoj upravnoj stvari plaćene su sve upravne takse.
  8. Ova vodna dozvola, shodno članu 117. stav (1) i članu 129. Zakona o vodama se daje sa rokom važenja od 5 (pet) godina od dana pravosnažnosti ovog Rješenja.
  9. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
  10. Ovo Rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### **O b r a z l o ž e n j e**

Javno preduzeće «KOMUNALNO» d.o.o. Breza podnijelo je Agenciji dana 24.09.2025. godine zahtjev za izdavanje vodne dozvole za zahvatanje vode sa izvorišta «Mahmutovića rijeka» u minimalnoj količini od 10 l/s za potrebe snabdijevanja vodom potrošača na području općine Breza.

U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-25-001621 izdatog dana 15.05.2025. godine od strane Općinskog suda u Zenici,
- Ovjerena kopija Uvjerenja o poreznoj registraciji izdatog dana 18.04.2014. godine od strane Porezne uprave Federacije BiH – Kantonalni porezni ured Zenica,
- Ovjerena kopija Uvjerenja o registraciji/upisu u Jedinostveni registar obveznika indirektnih poreza broj: 04/1-17-1-UPJR/1-1620-2/14 izdatog dana 11.03.2014. godine od strane Uprave za indirektno-neizravno oporezivanje Banja Luka,
- Kopija Rješenja o vodnoj dozvoli broj: UP-I/25-3-40-306-4/23 izdatog dana 06.10.2023. godine od strane «Agencije za vodno područje rijeke Save» Sarajevo,
- Kopija Pravilnika o održavanju, korištenju i osmatranju objekata komunalnog vodovodnog sistema Breza broj: 1621-31-05-13-2/18 donesenog dana 31.05.2018. godine od strane Nadzornog odbora JP «KOMUNALNO» d.o.o. Breza,
- Kopija Odluke o zaštiti izvorišta vode za piće Mahmutovića rijeka i rijeka Misoča («Službene novine Federacije BiH», broj 87/10) donesene od strane Vlade Federacije Bosne i Hercegovine,
- Kopija Odluke o regulisanju odnosa davaoca i korisnika komunalne usluge snabdijevanje pitkom vodom broj: 01/1-02-913/10 donesene dana 29.04.2010. godine od strane Općinskog vijeća Breza,

- Kopija Odluke o prenosu prava korištenja i upravljanja na vodoprivrednim objektima sa Općine Breza na Javno komunalno preduzeće «Breza» iz Breze broj: 01/1-02-946/02 donesena dana 23.05.2002. godine od strane Općinskog vijeća Breza,
- Elaborat zona sanitarne zaštite za izvorište «Mahmutovića rijeka» i vodozahvat rijeke Misoča – usklađivanje sa zakonskim propisima urađen od strane «IPSA INSTITUT» d.o.o Sarajevo, august 2018. godine - na uvid,
- Kopija Izvještaja o rezultatima mikrobiološke analize vode za piće broj: 14.03-102577/25 urađen dana 28.08.2025. godine od strane Službe za mikrobiologiju hrane Instituta za zdravlje i sigurnost hrane Zenica,
- Dopis/urgencija broj: 04-2-410/25 upućen dana 19.02.2025. godine Općini Breza vezano za postupak usklađivanja postojeće Odluke o zaštitnim zonama za izvorište «Mahmutovića rijeka» i vodozahvat rijeke Misoča sa važećim Pravilnikom,
- Odgovor broj: 02/1-1-21-528/2025 upućen dana 24.02.2025. godine JP «KOMUNALNO» d.o.o. Breza od strane Službe za privredu Općine Breza,
- Odgovor Federalnog ministarstva poljoprivrede, vodoprivrede i šumarstva broj: 07-21/4-671/25 upućen dana 07.03.2025. godine JP «KOMUNALNO» d.o.o. Breza.
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog izvorišta i tom prilikom je sačinjen zapisnik o izvršenom uviđaju broj: UP-1/21-3-40-408-3/25 od 04.11.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Za potrebe snabdijevanja vodom potrošača na području općine Breza kaptirano je izvorište «Mahmutovića rijeka». Kaptaža je izgrađena na koti 754,00 m n.m. ispod puta koji ide kanjonom rijeke Misoče, trasom nekadašnje pruge. Izvorište je locirano u podnožju Čemerske planine na lokalitetu udaljenom cca 12,0 km od Breze i predstavlja izvorište podzemnih voda u kraškoj izdani. Kaptažna građevina je AB objekat opremljena usisnom košarom i zatvaračima, rešetkom, silaznim ljestvama i sl. Vrelo je uzlaznog tipa - voda ističe iz prirodne kaverne u koju je uronjena usisna korpa. U objektu je izveden betonski prag kako bi stvarao uspor i obezbijedio da je korpa potopljena. Kapacitet zahvaćenih količina vode na izvorištu iznosi 10,0 l/s. Na ulazu u kaptažni objekat su postavljene rešetke koje omogućavaju izliv vode van kaptaže. Pristup izvorištu je moguć samo pješice što otežava nadzor i održavanje istog kao i eventualne popravke.

Azbestcementnim cjevovodom Ø 200 mm dužine 13,5 km zahvaćena voda se transportuje prema rasteretnoj komori «Vino» (kapacitet 50 m<sup>3</sup>) gdje se vrši hlorisanje vode tečnim hlorom (osim hlorisanja ne vrši se nikakav poseban tretman vode). Mjerenje količina zahvaćene vode vrši se preko vodomjera smještenog u vodomjernom oknu ispred rasteretne komore. Na predmetni vodovodni sistem priključeno je oko 1000 domaćinstava naselja Župča, Podgora, Vrbovik i dio Koritnika.

U cilju najstrožije kontrole, uža zona oko izvorišta «Mahmutovića rijeka» je na odgovarajući način ograđena i označena kako bi se spriječio pristup neovlašćenih osoba. Pored ograde, ovaj prostor obezbijeden je i drugim mjerama fizičke zaštite i osiguranja.

Redovno se rade mikrobiološka i fizičko-hemijska analiza vode sa izvorišta «Mahmutovića rijeka» od strane Instituta za zdravlje i sigurnost hrane Zenica.

Korisnik vodozahvatnog objekta, JP «KOMUNALNO» d.o.o. Breza, nije postupio u skladu sa tačkom 2.9. ranije izdatog Rješenja o vodnoj dozvoli broj: UP-I/25-3-40-306.4/23 od 06.10.2023. godine odnosno nije izvršeno usklađivanje postojeće Odluke o zaštiti izvorišta «Mahmutovića rijeka» i rijeka «Misoča» u skladu sa Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje («Službene novine Federacije BiH», broj 88/12).

U toku je procedura oko usklađivanja postojeće Odluke sa Pravilnikom odnosno usvajanja nove Odluke o zaštitnim zonama izvorišta (urađen je Elaborat zona sanitarne zaštite za izvorište «Mahmutovića rijeka» i vodozahvat rijeke Misoča – usklađivanje sa zakonskim propisima od strane «IPSA INSTITUT» d.o.o Sarajevo, august 2018. godine).

Na osnovu utvrđenog činjeničnog stanja i dostavljene dokumentacije, a u svrhu ostvarivanja prava na vodu drugim korisnicima kao i održivog korištenja voda, podnosiocu zahtjeva, JP «KOMUNALNO» d.o.o. Breza, su ovom vodnom dozvolom u tački 2. dispozitiva rješenja, propisani uslovi kojih se dužan pridržavati prilikom korištenja predmetnog vodozahvatnog objekta u skladu sa članom 48., 64., 66., 116. i 128. Zakona o vodama («Službene novine Federacije BiH», broj 70/06) i članom 12. i 13. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22).

Tačka 3. dispozitiva Rješenja je propisana u skladu sa tačkama 4. i 27. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opće i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, Javno preduzeće «KOMUNALNO» d.o.o. Breza, ispunio minimum uslova za izdavanje vodne dozvole za zahvatanje vode sa izvorišta «Mahmutovića rijeka» u minimalnoj količini od 10 l/s za potrebe snabdijevanja vodom potrošača na području općine Breza te je riješeno kao u dispozitivu ovog Rješenja.

Podnosilac zahtjeva uplatio je posebne troškove prema Zaključku ove Agencije broj: UP-1/21-3-40-408-2/25 od 31.10.2025. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

#### **Uputa o pravnom lijeku:**

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju  
Rukovodilac sektora za izdavanje vodnih akata

  
Nihad Pezo, dipl.inž.građ.

Dostaviti:

- JP «KOMUNALNO» d.o.o. Breza  
ul. ZAVNOBiH-a br 6, 71370 Breza
- ➔ AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava